

TE PARE TIAIRAA

E FAAITE RA I TE FAATERERAA ARII A IEHOVA



TUMU PARAU HAAPIIRAA:
3-30 NO TETEPА 2018



API MATAMUA: BULGARIE

Hoho'a o te faaite ra i te huru ia faatere i te hoê haapiiraa Bibilia i te tahi fare tapearaa i Bulgarie e te feia mau auri o te hinaaro e ite i te parau mau

FEIA PORO
2 475

HAAPIIRAA BIBILIA
2 950

FEIA I TAE I TE OROA
HAAMANA'ORAA (2017)
5 327

TAPURA TUMU PARAU

3 HEBEDOMA O TE 3-9 NO TETEPA Ia itehia oe e vai?

I teie mahana, e rave rahi o te imi i te hanahana i roto i te ao a Satani. E faaite mai teie haapiiraa no te aha e tia 'i ia imi noa ia itehia mai tatou e lehova, tera hoi te mea faufaa roa 'e. E hi'opoa atoa tatou mea nafea o lehova i te haafauaaraa i ta 'na mau tavini haapao maitai ma te ravea maere mau i te tahi taime.

9 HEBEDOMA O TE 10-16 NO TETEPA Te tamau ra anei oe i te fariu ia lehova ra?

I roto i teie haapiiraa, e hi'o mai tatou no te aha o Mose i hara 'i e i ere ai i te haamaitairaa ia tomo i roto i te Fenua täpühia. E haapii atoa mai tatou e nafea ia ore e topa i roto i te hoê ä tupuraa.

15 HEBEDOMA O TE 17-23 NO TETEPA O vai te tia i te pae o lehova?

21 HEBEDOMA O TE 24-30 NO TETEPA No lehova tatou!

No lehova te mau taata atoa, mea tia ia ia haamori tatou ia 'na ana'e. Te parau nei vetahi te haamori ra ratou i te Atua, aita rä ratou e auraro ra ia 'na. I roto i te haapiiraa matamua, e huti mai tatou i te haapiiraa i te hi'oraa o Kaina, Solomona, Mose e Aarona. I roto i te piti, e hi'opoa tatou e nafea ia haamauruuru ia lehova i te maitiraa ia tatou ei taata no 'na.

27 A faaite i te aumihi i nia i "te mau huru taata atoa"

30 Te haapiiraa i te Bibilia, hoê taime oao e faufaahia 'i oe!

32 UIRAA A TE FEIA TAIO

E ere teie papai i te mea hoo. E tuhaa te reira no te hoê ohipa haapiiraa Bibilia na te ao atoa nei e turuhia ra e te mau ô horoa noa.

No te mau ô horoa noa, a hi'o i nia www.jw.org/ty.


THE PARE TIAIRAA
E FAAITE RA I TE FAATERERAA ARII A LEHOVA

Aita ana'e i faahitihia te huriraa Bibilia, no roto mai ia te mau irava o te mau Papai Hebera, mai te Genese e tae atu i te Malaki, i *Te Bibilia Mo'a ra* ma te tahi mau faatanoraa i te papai o te tahi mau ta'o, e te mau irava o te mau Papai Heleni, mai te Mataio e tae atu i te Apokalupo, no roto mai ia i te *Huriraa o te ao api o te mau Papai Heleni Kerisetiano*.

The Watchtower (ISSN 0043-1087) Issue 9 July 2018 is published by Watchtower Bible and Tract Society of New York, Inc.; L. Weaver, Jr., President; G. F. Simonis, Secretary-Treasurer; 1000 Red Mills Road, Walkkill, NY 12589-3299. © 2018 Watch Tower Bible and Tract Society of Pennsylvania. Printed in Japan.

July 2018

Vol. 139, No. 9 TAHITIAN



Ia itehia oe e vai?

“E ere hoi te Atua i te Atua parau-tia ore a mo’e ai ia ’na ta outou ohipa e to outou hinaaro rahi i to ’na i’oa.”—HEB. 6:10.

A FERURI na e farerei oe i te tahi taata ta oe i matau e e faatura ra. Eaha to oe huru ia mo’e ia ’na to oe i’oa aore ra eita roa ’tu o ’na e taa mai ia oe? Eita anei oe e huru ê? Ua hamanihia hoi tatou e te hinaaro ia itehia, aore ra ia fariihia, tatou e vetahi ê e ia ite atoa râ ratou i to tatou huru mau e ta tatou i rave.—Num. 11:16; Ioba 31:6.

² E haapao maitai ana’e râ eiaha te hinaaro ia itehia mai tatou ia faahuru-ê-hia. E nehenehe te ao a Satani e turai ia tatou ia faohipa i tera hinaaro no te imi i te hanahana e te tiaraa teitei. Eita ’tura ia tatou e horoa faahou i te hanahana e te taviniraa e au i to tatou Metua i te ra’i ra o Iehova.—Apo. 4:11.

³ Mea hape te mana’o o vetahi tia haapaoraa i te tau o Iesu. No reira Iesu i faaraa ’i i ta ’na mau pipi: “A ara i te mau papai parau, mea au na ratou e hahaere ma te ahu

1. Ua hamanihia tatou e teihea hinaaro?

2, 3. Eaha te nehenehe e tupu i nia i to tatou hinaaro ia itehia tatou e vetahi ê? (A hi’o i te hoho’a matamua.)

HIMENE: 39, 30

E NAFAEA OUTOU IA PAHONO?

Mea maitai a’e ia imi ia itehia tatou e vai?

E nafea ia puai noa to tatou hinaaro ia itehia tatou e lehova?

Mea nafea o lehova i te farii-maitai-raa ia Maria e ia Iesu?

roa, ia arohahia ratou ma te faatura na te mahora, e parahi i mua roa i roto i te mau sunago e i te mau vahi faataahia no te mau manihini tiaraa teitei i te mau tamaaraa.” (Luka 20:46, 47) I muri iho, ua na ô â oia: “E faautuahia ratou ma te etaeta ’tu â.” Tera râ, ua haapopou Iesu i te tahi vahine ivi o tei horoa e piti lepeta ma te ore e imi ia itehia oia e te taata. (Luka 21:1-4) Na roto i ta ’na i parau i muri iho, ua faaite papu Iesu i to ’na mana’o tei taa ê roa hoi i to te mau tia haapaoraa. E tauturu mai teie haapiiraa ia ite e nafea ia faaohipa maitai i to tatou hinaaro ia itehia tatou, ia tuati te reira i te hinaaro o Iehova.

TE MEA MAITAI ROA ’E IA IMI

4 Ia itehia ratou e te taata, mea rahi te haere i te haapiiraa teitei, te titau i te oraraa fana’o e te hanahana i roto i teie nei ao. Ua faataa râ Paulo teihea te mea maitai roa ’e ia imi, ua na ô oia: “I teie nei râ ua ite outou i te Atua, aore ra i to ’na tanoraa mau **ua itehia mai outou e te Atua**, eaha ia outou e ho’i faahou ai i te mau mea rii faufaa ore a teie nei ao e e hinaaro faahou ai e riro ei tîti na ratou?” (Gal. 4:9) Auê haamaitairaa rahi ia itehia mai tatou e te Atua, te Faatere hau ê o te ao! Ua ite o Iehova i to tatou huru mau, mea here na ’na ia tatou e te hinaaro ra o ’na ia haafatata tatou ia ’na. Ua hamani ia o Iehova ia tatou no te faatupu i te auhoaraa piri e o ’na!—Koh. 12: 13, 14.

4. E imi tatou ia itehia tatou e vai? E no te aha?

5 I riro na Mose ei hoa no Iehova e teie ta ’na i ani atu: “E faaite mai oe ia ’u i ta oe ravea.” Pahono maira Iehova: “E na reira vau, ta oe i parau mai na: ua tiahia hoi oe e au, ua ite au ia oe e to i’oa.” (Exo. 33:12-17) E nehenehe atoa o Iehova e **ite ia tatou**. Eaha râ te titauhia ia rave no te riro ei hoa no Iehova? Mea tia ia here ia ’na e ia pûpû i to tatou ora ia ’na.—**A taio i te Korintia 1, 8:3.**

6 Mea faufaa râ ia vai piri noa e to tatou Metua i te ra’i. Mai te mau Kerisetiano matamua i Galatia, mea tia ia faaea tatou i te riro ei tîti na “te mau mea rii faufaa ore” mai te oraraa fana’o e te hanahana i roto i teie nei ao. (Gal. 4:9) Ua ite ê na tera mau Kerisetiano i Galatia o vai te Atua e ua itehia ratou e te Atua. Te parau ra râ Paulo no tera mau taeae ua “ho’i faahou” ratou i te mau mea faufaa ore. Mai te huru, te ui ra Paulo i tera mau taeae: “Eaha outou i ho’i ai i muri no te riro faahou ei tîti na te mau mea maamaa e te faufaa ore ta outou i faarue a’ena?”

7 E nehenehe atoa te reira e tupu i nia ia tatou. Mai ia Paulo, ua vaiho paha tatou i te oraraa fana’o e te hanahana i roto i te ao a Satani i to tatou iteraa i te parau mau. (**A taio i te Philipi 3:7, 8.**) Peneia’e, i fana’o na tatou i te tauturu a te Hau no te haere i te haapiiraa teitei. E ohipa aore ra e imiraa maitai ta tatou na mua ’e. Aore ra ua riro mai paha ei

5. Eaha te titauhia ia rave ia itehia mai tatou e te Atua?

6, 7. E nafea to tatou auhoaraa e o Iehova e nehenehe ai e mutu?

taata tuiroo e te tao‘a rahi no te himene aore ra tuaro. Pauroa tera mau mea, ua vaiiho tatou. (Heb. 11:24-27) Mea maa-maa roa ia tatarahapa i ta tatou faaotiraa paari e ia mana‘o ahani aita, e oraraa maitai a‘e ia to tatou i teie nei! E nehenehe tera huru feruriraa e turai ia ho‘i faahou i te mau mea o teie nei ao, te mau mea ta tatou i faairi a‘ena ei mea “faufaa ore.”

IA PUIAI NOA TE HINAARO IA ITEHIA TATOU E IEHOVA

⁸ E nafea ia puai noa te hinaaro ia itehia tatou e Iehova, eiaha râ e teie nei ao? E titauhia ia haamana‘o e piti haapiiraa faufaa. A tahi, e **ite noa iho â o Iehova i te feia e tavini ra ia ‘na ma te haapao maitai. (A taio i te Hebera 6:10; 11:6)** Mea poihere roa na Iehova i ta ‘na mau tavini taiva ore atoa. Ei Atua parau-tia, e ere i te mea tano no ‘na ia haafauaa ore ia ratou paatoa. “Ua ite Iehova i to ‘na mau taata,” eita roa ratou e mo‘e ia ‘na. (Tim. 2, 2:19) “Te au maira hoi Iehova i te haerea o te parau-tia ra” e ua ite Iehova i te faaora ia ratou.—Sal. 1:6; Pet. 2, 2:9.

⁹ E ravea taa ê mau ta Iehova i faaohi-pa i te tahi taime no te haapapu ua ite mau o ‘na i to ‘na mau taata. (Par. 2, 20:20, 29) A feruri na mea nafea o Iehova i te faaoraraa i to ‘na nunaa i te miti Uteute a a‘ua‘u ai te nuu puai a Pharao ia ratou. (Exo. 14:21-30; Sal.

8. E nafea ia puai noa te hinaaro ia itehia tatou e Iehova?

9. Eaha te haapapu ra ua ite mau o Iehova i to ‘na mau taata? A horoa i te hi‘oraa.

106:9-11) Mea maere mau te ohipa i tupu, e 40 matahiti i muri a‘e, te haamana‘o noa ra te taata i te reira. (Ios. 2: 9-11) E puaihia to tatou faaroo ia haamana‘o i to Iehova here e te mau ravea puai ta ‘na i faaohi-pa no te faaora ia ratou i tahito ra. Fatata hoi o Goga no Magoga i te aro mai. (Ezk. 38:8-12) I tera taime, e oaoa roa tatou o te farii maitai a te Atua ta tatou i imi, eiaha râ to teie nei ao!

¹⁰ Te piti o te haapiiraa faufaa e tia ia haamana‘o, e **nehenehe o Iehova e horoa mai i te haamaitiraa ta tatou**

I te tahi taime, e haamaitai o Iehova i ta ‘na mau tavini ma te ravea mana‘o-ore-hia

i ore i mana‘o noa ‘e. Ia rave te taata i te mau mea maitai ia itehia ratou e vetahi ê, eita o Iehova e haamaitai atu. Eaha te tumu? Mai ta Iesu i parau, ua navai noa ratou i te arueraahia e te taata. **(A taio i te Mataio 6:1-5.)** Area o Iehova “te ite i te mau mea atoa,” e farii to ‘na mata i nia i te feia o tei hamani maitai, aita râ i itehia e te taata. Ua ite o Iehova i ta ratou i rave e e haamaitai oia ia ratou. I te tahi taime, e haamaitai o Iehova i ta ‘na mau tavini ma te ravea mana‘o-ore-hia. E hi‘opoa ana‘e i te tahi mau hi‘oraa.

10. Eaha te tahi atu haapiiraa faufaa e tia ia haamana‘o?

UA FARII MAITAI IEHOVA TE TAHI VAHINE HAEHAA

¹¹ Ua maiti o Iehova i te tahi vahine apî haehaa o Maria te i'oa no te riro ei metua vahine no ta 'na Tamaiti ra o Iesu. I ora na Maria i te oire iti o Nazareta, mea atea roa ia i te hiero nehenehe i Ierusalem. **(A taio i te Luka 1:26-33.)** No te aha o Iehova i maiti ai ia 'na? Ua parau te melahi Gaberiela ia Maria: "Ua farii-maitai-hia oe e te Atua." Ua haapapu te mau parau ta Maria i faahiti ia Elisabeta i muri a'e, e auhoaraa piri roa to raua Iehova. (Luka 1:46-55) Ua itehia Maria e Iehova e no to 'na haapao maitai, ua haamaitaihia o 'na mai ta 'na i ore i mana'o noa 'e.


¹² O vai ma ta Iehova i faaite e ua fanauhia Iesu? E ere i te feia mana i Ierusalem e i Betelehema. Ua tono râ oia ta 'na mau melahi i te mau tiai mamoe hae-

11. Eaha ta Iehova i rave no te faaite ua itehia Maria e ana?

12, 13. Mea nafea Iesu i te haafaafaaraahia i to 'na fanauraa e i te hiero?

haa o te haapao ra i te nănă i rapae ia Betelehema. (Luka 2:8-14) Haere atura tera mau tiai mamoe e hi'o i te aiû fanau-apî-hia. (Luka 2:15-17) Ua maere roa paha Maria raua Iosepha i te haafaafaaraahia Iesu mai tera. Mea taa ê roa ta Iehova raveraa i ta te Diabolo. I to Satani tonoraa i te feia hi'o fetia ia Iesu, ua ite pauroa to Ierusalem ua fanauhia oia, horuhoru a'era te taata. (Mat. 2:3) I muri a'e, e rave rahi tamarii tei haapohehia.—Mat. 2:16.

¹³ Ia au i te ture a Iehova i to Iseraela, 40 mahana i muri a'e i te fanauraa o te hoê tamaroa, e tia i te metua vahine ia pûpû i te tusia na Iehova. No reira Maria raua Iosepha i hopoi ai ia Iesu i te hiero i Ierusalem, e iva ia kilometa te atea ia Betelehema. (Luka 2:22-24) I te roaraa o to ratou tere, ua uiui paha Maria e ohipa taa ê anei ta te tahu'a e rave no Iesu. Oia mau, ua farii-maitai-hia Iesu, e ere râ paha mai ta Maria i mana'o. Ua maiti hoi Iehova ia Simeona, 'taata parau-tia e te mātā'u



i te Atua' e ia Ana, peropheta vahine 84 matahiti no te faaite o Iesu te Mesia fafauhia.—Luka 2:25-38.

¹⁴ Ua tamau anei o Iehova i te haafau-faa ia Maria no to 'na haapao-maiteraa ia Iesu? E, ua ara hoi Iehova ia papaihia te mau mea ta Maria i parau e i rave i roto i te Bibilia. E au ra e aita o Maria i nehenehe e haere na muri ia Iesu i te roaraa o ta 'na taviniraa e toru matahiti e te afa. Peneia'e no te mea e vahine ivi oia e mea maitai a'e no 'na ia faaea i Nazareta. Aita ia Maria i ite i te mau ohipa faahiahia ta vetahi e i ite. Tera râ, i te poheraa Iesu, tei reira Maria. (Ioa. 19:26) I muri a'e, tei Ierusalem oia e te mau pīpī a Iesu hou a ni-nihia 'i te varua mo'a i te Penetekose. (Ohi. 1:13, 14) Eita e ore i tera taime Maria e te tahi atu mau pīpī i te faata-vairaa. Mai te peu tera iho â, ua fana'o atoa ia oia i te haamaitairaa e ora

14. Mea nafea o Iehova i te haamaitairaa ia Maria?

e o Iesu i te ra'i e a muri noa 'tu. Auê fana'oraa faahiahia mau no to 'na taviniraa i te Atua ma te haapao maitai!

UA FARII MAITAI IEHOVA I TA 'NA TAMAITI

¹⁵ Aita Iesu i hinaaro ia haafau-faa te mau tia haapaoraa e te feia mana ia 'na. E toru râ taime ua parau roa mai o Iehova mai te ra'i mai mea here na 'na ta 'na Tamaiti. Auê faaitoitoraa rahi no Iesu! I to 'na bapetizoraahia i Ioridana, ua na ô Iehova: “O ta 'u Tamaiti teie, tei herehia, ta 'u i mauruuru roa.” (Mat. 3:17) E au ra e o Ioane Bapetizo ana'e tei faaroo i tera mau parau. Fata-ta hoê matahiti hou to Iesu poheraa, ua faaroo e toru o ta 'na mau aposetolo i te reo o Iehova i te parauraa: “O ta 'u Tamaiti teie, tei herehia, ta 'u i mauruuru roa. A faaroo ia 'na.” (Mat. 17:5) E tau mahana na mua 'e i te poheraa o Iesu, ua paraparau faahou o Iehova

15. Mea nafea o Iehova i te faaiteraa ua farii maitai o 'na ia Iesu i te fenua nei?



Eaha ta oe e haapii mai
i te haafaufaaraa o Iehova
i ta 'na Tamaiti?

(A hi'o i te paratarafa 15-17)

i ta 'na Tamaiti mai te ra'i mai.—Ioa. 12:28.

¹⁶ Ua ite Iesu e parihia o 'na ei taata faaino i te Atua e e faaruru oia i te pohe haama. Noa 'tu râ, ua pure Iesu ia tupu te hinaaro o te Atua, eiaha râ to 'na. (Mat. 26:39, 42) Ua imi ia Iesu ia itehia mai o 'na e to 'na Metua, eiaha râ e teie nei ao. Tera te tumu “i faaoromai ai oia i te pou haamauiiraa ma te tâu'a ore i te haama.” (Heb. 12:2) Mea nafea o Iehova i te haafaufaraa ia Iesu?

¹⁷ I nia i te fenua, ua pure Iesu no te ani ia noaa faahou ia 'na te hanahana ta 'na i fana'o na i te ra'i i pihai iho i to 'na Metua. (Ioa. 17:5) Aita e irava Bibilia e faaite ra ua imi Iesu i te hanahana hau a'e. Aita o 'na i titau i te hoê haamaitairaa taa ê no to 'na raveraa i te hinaaro o Iehova i nia i te fenua. Eaha râ ta Iehova i rave? Ua haafaufaa taa ê Iehova ia Iesu. I muri a'e i to 'na tia-faahou-raa, ua horoa 'tu o Iehova i “te hoê tia-raa teitei a'e” i te ra'i. Ua horoa atoa i te pohe ore ia Iesu, aita hoê noa 'e i fa-

16, 17. Mea nafea o Iehova i te haafaufaa-taa-ê-raa ia Iesu?

na'o i te reira na mua 'tu!* (Phil. 2:9; Tim. 1, 6:16) Auê ravea maere rahi ta Iehova i faaohipa no te haamaitai ia Iesu no to 'na taviniraa i te Atua ma te haapao maitai!

¹⁸ Eaha te tauturu mai ia imi i te farii maitai a te Atua, eiaha râ to teie nei ao? E tia ia haamana'o noa **eita roa** e mo'e ia Iehova ta 'na mau tavini haapao maitai e e haamaitai iho â oia ia ratou, peneia'e **ma te ravea taa ê!** Eita e noaa ia tatou ia ite papu e nafea o Iehova ia haamaitai mai a muri a'e. A faaoromai tamau noa 'i i te fifi i teie mahana, e haamana'o ana'e fatata teie nei ao e te hanahana ta 'na e pûpû mai i te mou. (Ioa. 1, 2:17) Area to tatou Metua i i te here o Iehova, eita roa e mo'e ia 'na ta tatou ohipa e to tatou hinaaro rahi i to 'na i'oa. Eaha te tumu? No te mea e ere o Iehova i “te Atua parau-tia ore.” (Heb. 6:10) E faaite mai iho â oia, peneia'e ma te ravea taa ê, ua farii-maitai-hia tatou e ana!

* E haamaitairaa mana'o-ore-hia no te mea aita te parau o te pohe ore i roto i te mau Papai Hebera.

18. Eaha te tauturu mai ia imi i te farii maitai a te Atua, eiaha râ to teie nei ao?

NO TE TAA MAITAI ATU Â I TEIE TUMU PARAU

Ua itehia tatou e Iehova:

Ia haafaufaa, ia haamaitai e ia faaora te Atua ia tatou, ua farii-maitai-hia ia tatou e Iehova. Te auraa, ua faariro o Iehova ia tatou ei hoa no 'na



Te tamau ra anei oe i te fariu ia Iehova ra?

*“Te nânâ ’tu nei au i tau mata ia oe, e tei parahi
i nia i te mau ra’i ra.”—SAL. 123:1.*

“E TAU ino mau ia e te fifi ia faaruru” ta tatou e ora nei. (Tim. 2, 3:1) E ino roa ’tu â te oraraa e tae noa ’tu i te taima e haamou ai Iehova i teie ao ino a tupu atu ai te hau i nia i te fenua. No reira, mea maitai ia ui ia tatou iho, ‘E fariu vau ia vai no te fana’o i te tauturu e te aratairaa?’ Oioi roa paha tatou i te parau, ‘Ia Iehova!’ e e pahonora tano roa.

² Eaha te auraa ia hi’o, aore ra ia fariu, ia Iehova ra? I roto i te fifi, e nafea ia papu te tamau ra tatou i te hi’o ia ’na? Ua faataa te tahi taata papai Bibilia i te faufaaraa ia fariu ia Iehova ia hinaaro tatou i te tauturu. **(A taio i te Salamo 123:1-4.)** Ua parau oia e au tatou i te tavini o te hi’o i to ’na fatu no te fana’o i te maa e te parururaa. E moemoe tamau atoa râ oia no te ite e ohipa anei ta to ’na

1, 2. Eaha te auraa ia hi’o ia Iehova?

HIMENE: 143, 124

EAHA TA OUTOU E PAHONO?

Eaha te auraa ia hi’o, aore ra ia fariu, ia Iehova ra?

No te aha Mose i ere ai i te haamaitairaa ia tomo i te Fenua tãpũhia?

Eaha te haapiiraa e huti mai i te tupuraa farereihia e Mose?

fatu e hinaaro ia rave oia. I muri iho, e haavitiviti o 'na i te rave i te reira. Mai tera tavini, mea tia ia haapii maite tatou i te Parau a te Atua i te mau mahana atoa no te taa eaha ta Iehova e hinaaro ra ia rave tatou. I muri iho, e rave ana'e i te reira. Mea papu ia e tau-turu mai o Iehova ia tatou i te taime hinaarohia.—Eph. 5:17.

³ Ua ite tatou mea tia ia tamau i te hi'o ia Iehova. Noa 'tu râ, e fariu ê to tatou mata i te tahi taime. Tera tei tupu i nia i te hoa piri o Iesu o Mareta. Te parauhia ra, “te raverave noa ra ia e rave rahi ohipa.” (Luka 10:40-42) Noa 'tu to reira Iesu, ua fariu ê te hoê tavini haapao maitai mai ia Mareta, eita ia tatou e maere ia tupu atoa te reira i nia ia tatou. Eaha te nehenehe e haafariu ê ia tatou ia Iehova? I roto i teie haapiiraa, e hi'opoa ana'e e nafea ta vetahi ê e rave e nehenehe ai e haafariu ê ia tatou. E hi'o atoa mai tatou e nafea ia tamau i te fariu ia Iehova ra?

UA ERE TE HOÊ TAVINI HAAPAO MAITAI I TE HAAMAITAIRAA

⁴ Mea papu, ua imi Mose i te aratairaa a Iehova. Te parau ra te Bibilia, “ua mau papu noa hoi oia mai te huru ra e te ite ra oia i te Atua ite-ore-hia.” (**A taio i te Hebera 11:24-27.**) Te na ô atoa ra te Parau a te Atua: “E mai reira mai â aore roa e peropheta i tupu i roto ia Ise-

3. Eaha te nehenehe e haafariu ê ia tatou ia Iehova?

4. Eaha te tumu e maere ai paha tatou i te ereraa Mose i te haamaitairaa ia tomo i te Fenua tãpũhia?

raela mai ia Mose te huru, i ta Iehova i ite papu atu i te mata i to 'na mata.” (Deut. 34:10) Noa 'tu ia e hoa piri Mose no Iehova, ua ere oia i te haamaitairaa ia tomo i te Fenua tãpũhia. (Num. 20:12) Eaha hoi te ohipa i tupu?

⁵ Aita i tia e piti ava'e i muri a'e te faarueraa Iseraela ia Aiphiti, hou a tae atu ai i te mou'a Sinai, e ohipa tei tupu. Aita te nunaa i mauruuru no te mea aita ta ratou e pape. Ua amuamu e ua riri a'era ratou ia Mose, “tiaoro atura Mose ia Iehova, na ô atura, Eaha vau i teie nei feia? Rooau a'e ratou ua tui mai ia 'u i te ofai.” (Exo. 17:4) Mea papu maitai te mau aratairaa ta Iehova i horoa ia Mose. Ua parau atu oia ia rave i ta 'na raau e ia tairi i te mato i Horeba. Te na ô ra te Bibilia: “E ua na reira hoi Mose i mua i te aro o te hui matahiapo o Iseraela ra.” Tahe mai nei te pape e mâha a'era te poiha o te mau Iseraela. Ua oti ia te fifi i te faaafarohia.—Exo. 17:5, 6.

⁶ Ia au i te Bibilia, ua mairi Mose i tera vahi Masa, “a'a” te auraa, e Meriba atoa, “mârô” te auraa. Eaha te tumu? “No te avau a te tamarii a Iseraela, e no te mea ua faati'o [aore ra 'a'a] ratou ia Iehova, i te na ôraa e, Tei roto anei Iehova ia tatou, e aore anei?” —Exo. 17:7.

⁷ Eaha to Iehova huru no tei tupu i Meriba? Aita te mau Iseraela i patoi noa ia Mose, ua orure hau atoa râ ia Iehova e i to 'na mana faatere. (**A taio i**

5-7. Eaha tei tupu i muri a'e i to te mau Iseraela faarueraa ia Aiphiti e eaha ta Mose i rave?

te Salamo 95:8, 9.) E hara ino mau ta te mau Iseraela i rave. Area Mose, ua rave ïa i te mea maitai. Ua fariu oia ia Iehova ra e ua haapao maitai i ta 'na mau aratairaa.

⁸ Fatata 40 matahiti i muri a'e, hoê â ohipa tei tupu! Te hope atu ra te tau i

Aita Mose i auraro i te mau aratairaa apî ta Iehova i horoa 'tu

overe haere noa 'i te mau Iseraela na te medebara e ua tae a'era i te tahi vahi piri atu ia Kadesa. Tei mua noa 'tu te Fenua tãpũhia. Ua mairi-atoa-hia tera vahi o Meriba.* Eaha te tumu? Ua amu-amu faahou te mau Iseraela no te mea aita ta ratou e pape. (Num. 20:1-5) I tera râ taime, e hara rahi ta Mose i rave.

⁹ I te orure-hau-raa te nunaa, eaha ta Mose i rave? Ua fariu faahou oia ia Iehova ra no te ani i ta 'na aratairaa. I tera râ taime, aita Iehova i parau atu **ia tairi** i te mato. Ua faaue oia ia Mose ia rave i ta 'na raau, ia haaputupu i te

* Mea ê teie Meriba i te tahi atu o tei piri ia Rephidima, pii-atoa-hia Masa. Ua mairihia râ na vahi e piti Meriba no te mea ua mārō te mau Iseraela i reira.—A hi'o i te hoho'a fenua o te tuhaa 7 o te buka *Guide d'étude de la Parole de Dieu*.

8. A fatata 'i te tau a overe ai te mau Iseraela i te hope, eaha tei tupu?

9. Eaha te mau aratairaa ta Iehova i horoa ia Mose, eaha râ ta 'na i rave? (A hi'o i te hoho'a matamua.)

nunaa i pihai iho i te mato e **ia parau** atu i te mato. (Num. 20:6-8) Tera anei ta Mose i rave? Aita. No to Mose ino-ino e riri, na ô atura oia i te nunaa: “A faaroo mai na, tena na mau faaroo-atâ; e tia anei ia mâua ia hopoi atu i te pape na outou no roto i teie nei mato?” Tairi atura Mose i te mato, eiaha hoê noa taime, e piti râ.—Num. 20: 10, 11.

¹⁰ Ua riri roa o Iehova ia Mose. (Deut. 1:37; 3:26) Eaha te tumu? Na mua roa, no te mea aita Mose i auraro i te mau aratairaa apî ta Iehova i horoa 'tu.

¹¹ Te vai ra paha te tahi atu tumu i riri ai Iehova. E ofai paari te mato i te Meriba matamua, pii-atoa-hia Masa. Noa 'tu e e tairi-puai-hia tera mato, eita te pape e nehenehe e tahe mai. Area te mato i te piti o te Meriba, mea taa ê ïa. E ofai pu'a te rahiraa o te mau mato na tera vahi. E ere tera ofai i te mea paari, e pinepine ïa te reira i te tapea e i te haapue i te pape ûa. E nehenehe te taa-ta e rave mai i tera pape ma te pao i te mato. No reira i to Mose tairi-faahou-raa i te mato, ua mana'o paha te mau Iseraela aita o Iehova i faatupu i te semeio, ua tahe noa mai râ te pape no roto mai i te mato.*

* Te parau ra te tahi aivanaa Bibilia, e peu na te ati Iuda ia faatia i te aamu o te feia orure hau o tei parau e ere i te semeio no te mea ua ite ê na Mose e pape to roto i te mato. Hinaaro atura ratou ia na reira â oia i nia i te tahi atu mato. E aamu ati Iuda noa râ tera.

10. Eaha te huru o Iehova no ta Mose i rave?

11. I te tairi-faahou-raa Mose i te mato, no te aha te mau Iseraela i mana'o ai aita o Iehova i faatupu i te semeio?

UA ORURE HAU MOSE

¹² E tumu ê atu paha ta Iehova no te riri ia Mose raua Aarona. Ua parau Mose i te nunaa: “E tia anei ia **mâua** ia hopoi atu i te pape na outou no roto i teie nei mato?” Ma te faahiti “mâua,” e au ra e te parau ra Mose ia ’na e o Aarona. Aita Mose i faatura ia Iehova, aita hoi o ’na i faaite na Iehova i faatupu i te semeio. Te na ô ra te Salamo 106:32, 33: “Ua faariri hoi ratou ia ’na [ia Iehova] i te pape ra o Meriba, e roohia ihora Mose i te ino ia ratou: Ua faaooo hoi ratou i tana aau, **i ino ai hoi te parau o tana vaha.**”* (Num. 27:14) Aita Mose i horoa i te hanahana e au ia Iehova. Na ô atura te Atua ia Mose raua Aarona: “Ua haapaoatâ orua i ta ’u parau.” Auê ia hara ino mau!—Num. 20:24.

Mea tia ia tamau tatou i te fariu ia Iehova e te auraro ia ’na

¹³ Ua horoa o Iehova ia Mose e ia Aarona i te hopoia rahi ia aratai i to ’na nunaa. Ua tano iho â ia Iehova i te titau rahi atu â ia raua. (Luka 12:48) I tahito, aita o Iehova i vaiiho i te hoê u’i Iseraela ia tomo i te Fenua tãpũhia. Te tumu,

* A hi’o i tumu parau “E haafatata ’tu i te Atua” o Te Pare Tiairaa 1 no Atopa 2009 i te api 32.

12. Eaha te tahi tumu ê atu i riri ai Iehova ia Mose raua Aarona?

13. No te aha mea maitai e mea tano ta Iehova faautuaraa ia Mose?

ua orure hau ratou ia Iehova. (Num. 14: 26-30, 34) Mea maitai e mea tano ia ta Iehova faautuaraa i to Mose orure-hau-raa. Mai tera u’i Iseraela orure hau, aita atoa o Iehova i vaiiho ia Mose ia tomo i te Fenua tãpũhia.

TE TUMU I FARIU Ê AI MOSE

¹⁴ Eaha te tumu i orure hau ai Mose ia Iehova? A hi’o faahou na i ta te Salamo 106:32, 33 e parau ra: “Ua faariri hoi ratou ia ’na i te pape ra o Meriba, e roohia ihora Mose i te ino ia ratou: **Ua faaooo hoi ratou i tana aau,** i ino ai hoi te parau o tana vaha.” Noa ’tu ia ua orure hau te nunaa ia Iehova, o Mose tei inoino e tei riri. Aita i noaa ia Mose i te haavî ia ’na iho e ua faahiti atura i te mau parau ma te feruri ore i te mau faahopearaa.

¹⁵ Ua vaiiho Mose i te ohipa a vetahi ê ia haafariu ê ia ’na ia Iehova. I te taime matamua a amuamu ai te nunaa no te pape, ua rave Mose i tei faauehia ia ’na. (Exo. 7:6) I te piti râ o te taime, ua rohirohi e ua inoino roa paha oia, aita hoi te nunaa Iseraela i faaea i te orure hau i te mau rahiraa matahiti. Ua feruri noa paha Mose i to ’na inoino e aita ’tura i mana’o faahou e faahanahana ia Iehova.

¹⁶ Mai te peu ua fariu ê e ua hara te hoê peropheta haapao maitai mai ia Mose, e tupu ohie atoa ia te reira i nia ia tatou! Mai ia Mose, fatata atoa tatou

14, 15. Eaha te tumu i orure hau ai Mose ia Iehova?

16. No te aha ta Mose i rave e haaferuri ai ia tatou?

i te tomo i roto i te ao apî. (Pet. 2, 3:13) Eita roa 'tu tatou e hinaaro e ere i tera haamaitairaa taa ê! No te tae râ i roto i te ao apî, mea tia ia tamau tatou i te fariu ia Iehova e i te auraro ia 'na. (Ioa. 1, 2:17) Eaha te haapiiraa e huti mai i te hara a Mose?

EIAHA E VAIHO I TA VETAHI Ê E RAVE IA HAAFARIU Ê IA TATOU

17 E tamau ana'e i te haavî ia tatou iho ia riri tatou. I te tahi taime, mea maoro paha to tatou faarururaa i te

17. Eaha te tauturu mai ia haavî ia tatou iho ia riri tatou?

hoê â fifi. Tera râ, te na ô mai ra te Bibilia: "Eiaha ïa tatou e faaea i te rave i te mea maitai, e ooti hoi tatou i te taime tano ra ia ore noa 'tu tatou ia rohi-rohi." (Gal. 6:9; Tes. 2, 3:13) Ia riri tatou no te tahi tupuraa aore ra taata, e feruri anei tatou hou a faahiti ai i te parau? E noaa anei ia tatou i te haavî ia tatou iho? (Mas. 10:19; 17:27; Mat. 5:22) I tera mau taime, e titauhia ia haapii tatou i te "tuu atu . . . e na te Atua e faaite atu i to 'na riri." (**A taio i te Roma 12:17-21.**) Eaha ïa te auraa? Eiaha tatou ia riri, e tiaia ana'e râ ma te faaoromai na Iehova e faaafaro i to

Eaha te haapiiraa e huti mai i te huru o Mose i mua i te hapa a vetahi ê?

(A hi'o i te paratarafa 19)



tatou fifi i te taime e titauhia. Ia tama-
ta tatou i te tahoo, eiaha râ i te fariu ia
Iehova, te faaino ra ia tatou ia 'na.

18 E pee maite ana'e i te mau aratairaa apî. Te pee maite ra anei tatou i te mau aratairaa apî no ò mai ia Iehova? Eiaha tatou ia rave noa mai ta tatou i matau na mua 'e. E tia râ ia ineine i te pee i te mau aratairaa apî atoa ta Iehova e horoa mai na roto i ta 'na faanahonahoraa. (Heb. 13:17) E mea tia atoa ia ara "eiaha ia na nia 'tu i tei papaihia." (Kor. 1, 4:6) Ma te pee maite i ta Iehova mau aratairaa, te tamau ra ia tatou i te fariu ia 'na ra no te fana'o i te tau-turu.

19 Eiaha e vaiiho i te hapa a vetahi ê ia tuino i to tatou auhoaraa e o Iehova. No ta vetahi ê e rave, e riri e e faataa ê te tahi mau Kerisetiano ia ratou i te Atua. Ma te tamau râ i te fariu ia Iehova ra, eita tatou e na reira. Mea

18. Eaha te tia ia haamana'o no nia i te peeraa i te mau aratairaa?

19. E nafea ia ore e vaiiho i te hapa a vetahi ê ia tuino i to tatou auhoaraa e o Iehova?

faufaa roa 'tu â e hopoia ana'e ta tatou i roto i te faanahonahoraa a te Atua mai ia Mose. No te ora 'tu, e titauhia i te taata tataitahi ia tutava e ia auraro ia Iehova. (Phil. 2:12) Tera râ, rahi atu â ta tatou hopoia, rahi atu â Iehova i te titau ia tatou. (Luka 12:48) Ua here mau ana'e râ tatou ia Iehova, eita te hoê noa 'e mea e nehenehe e faaturori e e faataa ê ia tatou i to 'na here. —Sal. 119:165; Roma 8:37-39.

20 E tau fifi e e tupuraa rau ta tatou e farerei nei, e tia ia vai ara noa. Mea faufaa roa ia ia tamau i te fariu ia Iehova, "tei parahi i nia i te mau ra'i ra," no te taa maitai eaha ta 'na e hinaaro ia rave tatou. Eiaha roa e vaiiho i te mau ohipa ta vetahi ê e rave ia tuino i to tatou auhoaraa e o Iehova. Tera mau hoi tei tupu i nia ia Mose. E huti mai ana'e ia i tera haapiiraa faufaa roa. Eiaha e riri no ta vetahi ê e rave, e faaoti papu ana'e râ i te fariu i "to tatou Atua ia Iehova ra, e ia aroha mai oia ia tatou nei."—Sal. 123:1, 2.

20. Ia faaoti papu tatou i te aha?

NO TE TAA MAITAI ATU Â I TEIE TUMU PARAU

E hi'o, aore ra e fariu, tatou ia Iehova ma te haapii maite i ta 'na Parau no te taa i ta 'na e hinaaro ia rave tatou e ma te pee maite i te mau aratairaa atoa ta 'na e horoa mai



O vai te tia i te pae o Iehova?

“O to Atua ra o Iehova ta oe e mātā’u, e oia ana’e ra ta oe e haamori, e o oia ta oe e ati atu.”—DEUT. 10:20.

MEA maitai a’e no tatou ia vai piri noa ia Iehova. Aita ’tu Atua puai, paari e here a’e ia ’na! E hinaaro noa iho â tatou e tapea i to tatou taiva ore ia ’na e e faaea noa i to ’na pae. (Sal. 96:4-6) Te vai ra râ te tahi o to ’na mau tavini o tei ore i na reira.

² I roto i teie haapiiraa, e hi’opoa tatou i te hi’oraa o ve-tahi tavini tei parau tei te pae ratou o Iehova. I te hoê â râ taime, ua rave ratou i te mau mea ta ’na e riri. Na roto i to ratou hi’oraa, e ite tatou eaha te tauturu mai ia ore e tai-va ia Iehova.

TE PAHERU RA O IEHOVA I TO TATOU AAU

³ A hi’o na ia Kaina. Aita oia i haamori i te mau atua hape, aita atoa râ o Iehova i mauruuru i ta ’na huru haamoriraa. Eaha te tumu? Ua ite Iehova e hinaaro iino to roto i te aau o Kaina. (Ioa. 1, 3:12) Ua faaara o Iehova ia Kaina: “Ia rave oe i te parau maitai ra, eita anei e itehia

1, 2. (a) No te aha mea maitai a’e ia faaea noa i te pae o Iehova? (b) Eaha ta tatou e hi’opoa i roto i teie haapiiraa?

3. No te aha o Iehova i tamata ’i i te tauturu ia Kaina e eaha ta ’na i parau atu ia ’na?

HIMENE: 28, 32

E NAFEA OUTOU IA PAHONO?

Mea nafea Kaina e Solomona i te ereraa i te farii maitai a Iehova?

Mea nafea Mose e Aarona i te faaiteraa ua tia raua i te pae o Iehova?

Ia rave tatou i te hara, e nafea to Iehova aroha hamani maitai e tauturu mai ai?

mai? e aore i maitai ra, te vai ra te taraehara i te uputa na. E auraro râ oia ia oe, e ei nia 'e oe ia 'na." (Gen. 4:6, 7) Ua haapapu maitai o Iehova ia tatarahapa Kaina e ia maiti oia i te tia i to 'na pae, eita o 'na e faarue ia Kaina.

⁴ Ahani Kaina i tau i to 'na huru feruriraa, ua farii ia o Iehova ia haamori faahou Kaina ia 'na. Aita râ, ua faaroo ore oia i te Atua e ua turai to 'na huru feruriraa e hinaaro tia ore ia rave i te ohipa ino. (Iak. 1:14, 15) I to 'na apîraa ra, aita paha Kaina i mana'o noa 'e e patoi ia Iehova i te hoê mahana. I teie nei râ, aita Kaina i tâu'a i te mau faaararaa a te Atua, orure hau atura ia Iehova e haapohe ihora i to 'na teina!

⁵ Mai ia Kaina, e nehenehe te hoê Kerisetiano e haamori ia Iehova a rave noa 'i i te mau mea ta Iehova e riri. (Iuda 11) Mea itoito paha o 'na i roto i te taviniraa e mea tamau i te mau putuputuraa. I te hoê â râ taime, te vaiiho ra oia i te mau hinaaro faufau, te nounou aore ra te au ore ia faatere i to 'na mau mana'o. (Ioa. 1, 2:15-17; 3:15) E nehenehe tera huru feruriraa e turai ia rave i te hara. Eita paha vetahi ê e ite eaha ta 'na e mana'o e e rave ra, area o Iehova, oia ia. E ite roa oia aita ana'e te hoê taata i tia i to 'na pae ma te aau taatoa.—**A taio i te Ieremia 17:9, 10.**

⁶ Noa 'tu e hape tatou, eita o Iehova e faarue oioi mai. Ia haere tatou na te e'a

4. Ua nehenehe Kaina e tia i te pae o Iehova, eaha râ ta 'na i rave?

5. Eaha te huru feruriraa e ere ai tatou i te farii maitai a Iehova?

6. E nafea o Iehova e tauturu mai ai ia haavî i to tatou mau hinaaro tia ore?

atâta, te ani mai ra o Iehova: "E fariu mai outou ia 'u, e na 'u e fariu atu ia outou." (Mal. 3:7) Ua ite o Iehova te tuta-va ra tatou i te haamaitai i to tatou mau paruparu. Tera râ, te ani mai ra oia ia faaitoito noa e ia patoi i te mea ino. (Isa. 55:7) Ia na reira tatou, te fafau mai ra ia Iehova i te horoa mai i te puai e titauhia no te haavî i to tatou mau hinaaro tia ore.—Gen. 4:7.

EIAHA E HAAVARE IA TATOU IHO!

⁷ I to 'na apîraa, e auhoaraa maitai to Solomona raua Iehova. Ua horoa te Atua ia Solomona i te paari rahi e te hopoia faufaa ia patu i te hoê hiero nehenehe mau i Ieruselema. I muri a'e râ, ua ere Solomona i te auhoaraa maitai e te Atua. (Arii 1, 3:12; 11:1, 2) I faaue na te ture a te Atua i te arii, "eiaha hoi oia e faarahi i te vahine na 'na, ia ore ia taiva tana aau." (Deut. 17:17) Aita râ Solomona i haapao i tera ture e ua rave 700 vahine e 300 vahine tavini na 'na! (Arii 1, 11:3) No te mau nunaa ê te rahiraa o ratou, e vahine haamori ia i te mau atua hape. Aita atoa ia Solomona i haapao i te ture a te Atua eiaha e faaipoipo i te vahine êê.—Deut. 7:3, 4.

⁸ Ua iti mărû noa to Solomona hinaaro i ta Iehova mau ture e ua rave atura i te mau ohipa ino mau. Ua patu i te mau fata no te ruahine Asetarota, no te atua Kemosa e ua haamori i te mau atua hape na muri i ta 'na mau vahine. Ua patu atoa Solomona i tera mau fata i nia i te

7. Mea nafea Solomona i te ereraa i te auhoaraa maitai e o Iehova?

8. Eaha te mau ohipa ino ta Solomona i rave i te aro o Iehova?



I te amuimuiraa i to oe mau hoa, mai te aha te huru to oe auhoaraa e o Iehova?
 (A hi'o i te paratarafa 11)

mou'a i mua noa 'tu ia Ierusalem, te vahi i patu ai o 'na i te hiero o Iehova! (Arii 1, 11:5-8; Arii 2, 23:13) Ua mana'o paha Solomona, 'Aita e fifi, ia tamau vau i te pûpû i te tusia i te hiero, e tapo o Iehova i to 'na mata ia rave au i te ohipa ino!' Ua haavare ia Solomona ia 'na iho ma te feruri mai tera.

⁹ Eita roa 'tu râ o Iehova e tapo i to 'na mata ia ravehia te hoê hara. Te na ô ra te Bibilia: "Riri a'era Iehova ia Solomona, no te mea ua fariu ê tana aau i te Atua o Iseraela ia Iehova." Ua tamata Iehova i te tauturu ia Solomona. "A piti a'era hoi o 'na faaiteraa mai ia 'na, e ua faaita oia ia 'na i taua mea nei, e eiaha

oia e pee i te atua êê; aita a'era râ oia i haapao i ta Iehova i parau mai ia 'na ra." Ere a'era Solomona i te farii maitai e te turu a te Atua. Aita 'tura te huaai a Solomona i faatere i nia i te taatoaraa o te nunaa Iseraela e mea rahi te fifi ta ratou i farerei i te roaraa o te mau matahiti. —Arii 1, 11:9-13.

¹⁰ Ia maiti tatou ei hoa i te feia o te ore e ite e e haafaufaa i te mau ture aveia a te Atua, e nehenehe to tatou feruriraa e tau i ino atu ai te auhoaraa e o Iehova. E mero paha ratou no te amuiraa, e ere râ te auhoaraa e o Iehova i te mea piri. Peneia'e e fetii, e hoa tapiri, e hoa ohipa aore ra haapiiraa, aita râ e haamori

9. Eaha tei tupu i te taime a ore ai Solomona i haapao i te mau faaararaa a te Atua?

10. E nafea to tatou auhoaraa maitai e o Iehova e nehenehe ai e ino?

ra ia Iehova. Ia amuimui tatou i te feia o te ore e haapao i ta Iehova mau ture aveia, e nehenehe ratou e turai mai ia rave i te tahi mea e ere atu ai tatou i te auhoaraa maitai e te Atua.

11 A taio i te Korinetia 1, 15:33. Mea rahi te taata e huru maitatai to ratou. Aita vetahi e rave ra i te ino noa 'tu aita ratou e haamori ra ia Iehova. Ua matau paha oe i te taata mai tera, te auraa anei aita e vahi ino ia amuimui ia ratou? No te ite, a feruri i teie mau uiraa. I te amuimuiraa ia ratou, mai te aha te huru o to oe auhoaraa e o Iehova? Ua tauturu anei ratou ia oe ia haafatata 'tu â i te Atua? Eaha te mau mea ta ratou e haafaufaa ra? Eaha te faarohia i roto i ta ratou mau aparauraa? Mea pinepine anei i te paraparau no nia i te huru faaahuraa, te moni, te mau ravea apî, te faaanaanataeraa e te mau mea mai tera te huru? Ua matau anei ratou i te faaino ia vetahi ê? Mea au anei na ratou e parau hauti no nia i te mau mea faufau? Ua faaara Iesu: "No te î o te aau e parau ai te vaha." (Mat. 12: 34) Ia taa ia oe te ino ra to oe auhoaraa e o Iehova no te feia ta oe e amuimui ra, a haa oioi! Eiaha e haamâu'a i to oe taim e o ratou. E ia titauhia, a faaea roa i te faahoa 'tu.—Mas. 13:20.

TE TITAU MAI RA O IEHOVA IA HAAMORI IA 'NA ANA'E

12 E haapiiraa atoa ta tatou e huti mai i tei tupu i muri a'e to Iehova faaora-

11. Eaha te tauturu mai ia maiti i to tatou mau hoa?

12. (a) Eaha ta Iehova i faaite i te mau Iseraela i muri a'e to ratou faaoraraahia mai Aiphiti mai? (b) Eaha ta te mau Iseraela i pahono a titau atu ai Iehova ia haamori ia 'na ana'e?

raa i te mau Iseraela mai Aiphiti mai. A putuputu ai te nunaa i mua i te mou'a Sinai, e ohipa maere mau tei tupu! Ua ite ratou i te ata meumeu, te uira, te au auahi e ua faaroo i te patiri e te oto puai mau mai te oto o te pu ra te huru. (Exo. 19:16-19) Parau maira Iehova: "E Atua tahoo hoi au o te Atua no oe nei o Iehova." Te auraa, e titau oia ia haamori ratou ia 'na ana'e. Ua fafau oia i te ore e faarue i te feia e here ia 'na e e auraro i ta 'na mau faaueraa. **(A taio i te Exodo 20:1-6.)** Ua haapapu Iehova i te mau Iseraela, ia faaea noa ratou i to 'na pae, e turu o 'na ia ratou. Ahani tei roto atoa oe i te nahoa, eaha to oe huru a faaroo ai i ta Iehova mau parau? Eita e ore e pahono atoa oe mai te nunaa: "O te mau parau atoa a Iehova i parau maira, e rave ia matou." (Exo. 24:3) Ua tamatahia râ te faaroo o te mau Iseraela tau taim e rii noa i muri iho. Eaha tei tupu?

13 Ua riaria te mau Iseraela a ite ai i te mau tapao o te puai rahi o te Atua. Pau ma 'tura Mose i nia i te mou'a Sinai no te faaite i ta ratou mau parau ia Iehova. (Exo. 20:18-21) Ua tia i e ua tia i â te nunaa, aita râ Mose i ho'i mai atura i te puhapa. E au ra e ua faarue-noa-hia ratou i roto i te medebara aore e taata aratai. Ua tiaturi noa te mau Iseraela i nia i to ratou aratai taata ra o Mose e haamata 'tura i te haapeapea e na ô iho ra ia Aaron: "A hamani i te atua no tatou ei na mua ia tatou nei; area o Mose, o te taata i aratai mai ia tatou mai Ai-

13. Mea nafea te mau Iseraela i te taivaraa ia Iehova?

phiti maira, aore tatou i ite i to 'na hae-rea.”—Exo. 32:1, 2.

¹⁴ Ua ite te mau Iseraela mea ino ia haamori i te idolo. (Exo. 20:3-5) Aita râ i maoro, ua haamata ratou i te haamori i te hoê kafa auro! Noa 'tu aita ratou i haapao i ta Iehova faaueraa, ua mana'o ratou tei te pae o Iehova noa â ratou. Ua tae roa Aarona i te faariro i te haamoriraa i te kafa ei “mahana oroa” no Iehova! Ua haavare mau ratou ia ratou iho! Eaha te huru o Iehova? Ua parau oia ia Mose, “ua ino to mau taa-ta” e ua faarue i te 'e a “ta 'u i faaue ia ratou e e na reira.” Ua riri roa o Iehova i opua 'i o 'na e haamou i te nunaa taatoa.—Exo. 32:5-10.

¹⁵ Auaa râ e Atua aroha hamani maitai o Iehova. Aita oia i haamou i te nunaa, ua vaiiho râ i te mau Iseraela ia faaite ua hinaaro ratou e tia i to 'na pae. (Exo. 32:14) I to 'na iteraa i te nunaa ia tutuô, ia himene e ia ori i mua i te idolo, haere atura Mose e pâpâhia i te kafa auro e hu'ahu'a roa a'era. I muri iho, na ô maira Mose: “O vai to Iehova ra? o te horo mai ia 'u nei” e “ua rürũ atoa maira te mau tamarii atoa a Levi” ia Mose ra.—Exo. 32:17-20, 26.

¹⁶ Noa 'tu ua hamani Aarona i te kafa auro, ua tatarahapa e ua horo oia e te mau tamarii a Levi no te tia i te pae o Iehova. Ua haapapu teie nei feia taiva ore eita ratou e turu i te feia rave hara.

14. Mea nafea to te mau Iseraela haavareraa ia ratou iho e eaha te huru o Iehova?

15, 16. Mea nafea Mose e Aarona i te faaiteraa ua tia raua i te pae o Iehova ma te aau taatoa? (A hi'o i te hoho'a matamua.)

E faaotiraa paari tera, e tausani hoi o tei haamori i te kafa auro tei pohe i tera mahana. Ua ora mai râ te feia i tia i te pae o Iehova e ua fafau te Atua i te haamaitai ia ratou.—Exo. 32:27-29.

¹⁷ Eaha te haapiiraa e huti mai? Te na ô ra te aposetolo Paulo: “Ei hi'oraa te reira” eiaha atoa tatou “e haamori i te idolo.” Ua faataa Paulo, ua papaihia tera mau aamu “ei faaararaa ia tatou o te roohia ra i te hopea o te mau faa-

Ua vaiiho Iehova i te mau Iseraela ia faaite ua hinaaro ratou e tia i to 'na pae

nahoraa o te ao nei. No reira, te taata e mana'o ra e te tia ra oia, ia ara maitai eiaha oia ia hi'a.” (Kor. 1, 10:6, 7, 11, 12) Mai ta Paulo i haamatara maitai, e nehe-nehe te feia e haamori ra ia Iehova e rave atoa i te mea ino. E tae roa paha i te mana'o te farii noa ra â Iehova ia ratou. E ere râ no te mea te parau ra te tahi e hoa aore ra e tavini taiva ore o 'na no Iehova, ua farii ia te Atua ia 'na!—Kor. 1, 10:1-5.

¹⁸ Ua haapeapea te mau Iseraela a ore ai Mose i pou mai mai te mou'a Sinai i te taime ta ratou i mana'o. E haapeapea anei tatou ia ore atoa te hopea o teie

17. Eaha te haapiiraa e huti mai i ta Paulo i parau no nia i te kafa auro?

18. Eaha te faaatea ê ia tatou ia Iehova e eaha te nehe-nehe e tupu?

faanahoraa o te ao e tae mai i te taima ta tatou i mana'o? Peneia'e, e haamata tatou i te mana'o eita ta Iehova mau parau fafau no a muri a'e e tupu oiio aore ra e moemoea noa te reira. Haamata 'tura tatou i te haapao i to tatou hinaaro, eiaha ra i to Iehova. E haapao maitai ana'e ia, e nehenehe tatou e atea e ia Iehova e e rave i te mau mea ta tatou i ore i mana'o noa 'e e rave.

¹⁹ Te titau mai ra o Iehova ia auraro maite e ia haamori ia 'na ana'e. (Exo. 20:5) No te aha o 'na e ani mai ai i te reira? No to 'na here ia tatou. Ia ore tatou e rave i to Iehova hinaaro, to Satani ia ta tatou e rave a ati atu ai tatou i muri iho! Ua na o Paulo: "Eita outou e nehenehe e inu i te au'a a Iehova e i te au'a a te mau demoni, eita outou e nehenehe e amu i to nia iho i 'te amuraa maa a Iehova' e i to nia iho i te amuraa maa a te mau demoni."—Kor. 1, 10:21.

EIAHA TATOU IA ATEA E IA IEHOVA!

²⁰ Ua nehenehe Kaina, Solomona e te

19. Eaha te tia ia haamana'o noa e no te aha?

20. E nafea o Iehova ia tauturu mai noa 'tu e hara ta tatou i rave?

mau Iseraela e tatarahapa e e fariu mai i to ratou haerea ino. (Ohi. 3:19) Eita o Iehova e faarue oiio i to 'na mau taata no te mea e hara ta ratou i rave. A haamana'o na ia Aarona, ua faaore o Iehova i ta 'na hara. I teie mahana, te horoa mai ra o Iehova i te mau faaararaa i te here ia ore tatou e rave i te mea ino. Te faaohipa ra oia i ta 'na Parau, ta tatou mau papai e te mau taeae e tuahine Kerisetiano. Ia haapao maite tatou i ta 'na mau faaararaa, e faaite mai iho a Iehova i to 'na aroha hamani maitai.

²¹ E faaite mai o Iehova i to 'na hamani maitai rahi ia nehenehe tatou "ia haapae i te haerea ino e oia atoa te mau hinaaro o teie nei ao." (Kor. 2, 6:1; **a taio i te Tito 2:11-14.**) I roto i teie faanahoraa o te ao, e farerei iho a tatou i te mau tupuraa rau o te tamata i to tatou faaroo ia Iehova. E faaoti papu ana'e i te faaea noa i te pae o Iehova ma te auu taatoa e e haamana'o ana'e "o to Atua ra o Iehova ta oe e mata'u, e oia ana'e ra ta oe e haamori, e o oia ta oe e ati atu!"—Deut. 10:20.

21. Eaha te tia ia rave ia tamatahia to tatou faaroo ia Iehova?

NO TE TAA MAITAI ATU A I TEIE TUMU PARAU

E tia i te pae o Iehova:

E tia i te taata atoa ia maiti e turu anei ratou ia Iehova aore ra ia Satani. E faaea noa tatou i te pae o Iehova ma te here ia 'na e ma te auraro i ta 'na mau faauerua. Mea tia atoa ia hae ia Satani e ia patoi i te huru feruriraa no o mai ia 'na



No Iehova tatou!

“E ao to te fenua o Iehova to ratou Atua; e te mau taata i maitihia e ana ei tufaa na ’na.”—SAL. 33:12.

O IEHOVA te fatu o te mau mea atoa! “Inaha hoi te ra’i, e te ra’i i nia roa i te mau ra’i ra, no to Atua ia no Iehova, te fenua atoa nei hoi e te mau mea atoa i roto ra.” (Deut. 10:14; Apo. 4:11) I te mea na Iehova i poiete i te taata, no ’na ia tatou paatoa. (Sal. 100:3) Ua maiti râ te Atua vetahi feia i rotopu i te huitaata no te riro ei tufaa taa ê na ’na.

² Te faaite ra te Salamo 135 ua faairi Iehova i te feia taitava ore o te nunaa Iseraela ei “tao’a here na ’na.” (Sal. 135:4) Ua tohu atoa Hosea e itehia te feia e ere i te Iseraela i roto i te nunaa o Iehova. (Hos. 2:23) Ua tupu tera parau tohu a maiti ai o Iehova i te feia no te nunaa ê no te faa-tere e te Mesia i te ra’i. (Ohi. 10:45; Roma 9:23-26) Ua riro teie feia faatavaihia i te varua mo’a ei “nunaa mo’a,

1. No te aha mea tano ia parau o Iehova te fatu o te mau mea atoa? (A hi’o i te hoho’a matamua.)
2. Ia au i te Bibilia, o vai te feia i riro ei tufaa taa ê na Iehova?

HIMENE: 40, 50

EAHA TA OUTOU E PAHONO?

Eaha ta tatou e faaite ra ia pûpû tatou ia tatou ia Iehova a bapetizohia ’tu ai?

No te aha mea tia ia ite papu te taata o Iehova ana’e ta tatou e haamori ra?

No te aha mea tia ia farii maitai, ia horoa ma te aau tae, ia faaore i ta vetahi ê hara e ia hamani maitai i te mau taeae e tuahine?

e pūpū taata hoohia mai no te Atua” ra o Iehova. (Pet. 1, 2:9, 10) E no te mau Kerisetiano taiva ore i teie mahana o te tiaturi e ora e a muri noa ’tu i nia i te fenua? Te pii atoa ra Iehova ia ratou, “to ’u ra mau taata,” “to ’u ra feia i ma-itihia.”—Isa. 65:22.

³ Te “nānā iti,” o te feia ia e tiaturi e ora e a muri noa ’tu i te ra’i. Area te “mamoe ē atu,” o te feia ia e tiaturi e ora e a muri noa ’tu i nia i te fenua. I teie mahana, te haamori amui ra na pūpū e piti ia Iehova “ei hoē noa nānā.” (Luka 12:32; Ioa. 10:16) E hinaaro tatou e haamauruuru ia Iehova no te auhoaraa taa ē ta tatou e fana’o ra e o ’na. I roto i teie haapii-
raa, e hi’opoa tatou e nafea ia haamauruuru ia Iehova no tera haamaitairaa taa ē.

E PŪPŪ I TO TATOU ORA IA IEHOVA

⁴ E haamauruuru tatou ia Iehova ma te pūpū ia tatou ia ’na a bapetizohia ’tu ai. I tera taime, e ite te taata atoa no Iehova tatou e ua ineine tatou i te auro ia ’na. (Heb. 12:9) Tera atoa ta Iesu i rave i to ’na bapetizoraahia. Ei ati Iuda, tei roto Iesu i te hoē nunaa o tei pūpū a’ena-hia i te Atua. Noa ’tu rā, ua faaoti Iesu i te pūpū ia ’na iho ia Iehova. Mai te huru ra ia, ua na ô oia: “E mea au na ’u te rave i to oe hinaaro, e tau Atua.”—Sal. 40:7, 8.

3. (a) O vai te fana’o ra i te auhoaraa taa ē e o Iehova i teie mahana? (b) Eaha ta tatou e hi’opoa i roto i teie haapiiaraa?

4. E nafea ia haamauruuru ia Iehova no te auhoaraa ta tatou e fana’o ra e o ’na? Eaha ta Iesu i rave atoa i to ’na bapetizoraahia?

⁵ Eaha to Iehova huru i te bapetizoraahia Iesu? Te na ô ra te Bibilia: “E oti a’era Iesu i te bapetizohia, i reira iho, haere maira oia i nia mai raro mai i te pape. E inaha, matara a’era te ra’i e ite a’era Ioane i te varua o te Atua i te pou-raa mai mai te uupa ra i nia ia Iesu. Inaha, e reo atoa tei faarohia mai te ra’i mai i te na ôraa: ‘O ta ’u Tamaiti teie, tei herehia, ta ’u i mauruuru roa.’” (Mat. 3:16, 17) No te Atua ē na Iesu, ua oaoa roa rā Iehova i te iteraa ua ineine Iesu i te faaohia i to ’na ora no te tavinia ia ’Na ana’e. Ua oaoa atoa o Iehova i te pūpūraa tatou ia tatou ia ’na e e haamaitai mai iho â oia.—Sal. 149:4.

⁶ E na ô rā paha tatou, ‘No Iehova te mau mea atoa, eaha ia ta tatou e nehe-nehe e horoa ’tu?’ A feruri na i te tahi metua tane, ua i roa to ’na aua i te tiare nehenehe mau. I te hoē mahana, pofai atura ta ’na tamahine hoē tiare no te horoa ’tu na ’na. Noa ’tu no roto mai te tiare i to ’na aua, e oaoa roa te metua tane i te farii i tera ô! Eaha te tumu? Te faaita ra ta ’na tamahine mea here na ’na to ’na papa. Mea faufaa a’e ia tera tiare i te toea o te mau tiare i roto i te aua. Tera atoa te huru o Iehova ia faaoti ana’e tatou i te pūpū i to tatou ora ia ’na.—Exo. 34:14.

⁷ **A taio i te Malaki 3:16.** No te aha mea faufaa roa ia pūpū i to tatou ora ia Iehova e ia bapetizohia? Parau mau,

5, 6. (a) Eaha ta Iehova i parau i te bapetizoraahia Iesu? (b) Eaha te huru o Iehova ia pūpū tatou i to tatou ora ia ’na? A horoa i te hoē hi’o-
raa.

7. Ia au i te Malaki, eaha to Iehova huru na ta-tou ana’e e faaoti i te pūpū ia tatou ia ’na?

mai te taime i tōhia 'i tatou, no Iehova ê na tatou, o 'na hoi to tatou Atua poi-ete. A feruri na râ i to 'na oaoa ia farii tatou ia 'na ei Faatere a pûpû atu ai i to tatou ora ia 'na! (Mas. 23:15) Ua ite o Iehova i te feia o te tavini ia 'na ma te aau tae e e papai oia i to ratou i'oa i roto i ta 'na “buka mana'oraa.”

⁸ Eaha te titauhia ia rave ia vai noa to tatou i'oa i roto i ta Iehova “buka mana'oraa”? Te parau ra Malaki mea tia ia mätä'u ia Iehova e ia mana'o noa i to 'na i'oa. Ia haamori noa 'tu tatou i te tahi atu mea aore ra taata, e tumāhia to tatou i'oa i roto i te buka a Iehova! —Exo. 32:33; Apo. 3:5.

⁹ Eita ïa e navai ia euhe i te rave i to Iehova hinaaro e ia bapetizohia. Hoê noa hoi taime te reira e ravehia 'i, area te taviniraa ia Iehova, no te roaraa ïa o to tatou oraraa. I te mau mahana atoa, mea tia ia faaite ta tatou mau ohipa o Iehova ta tatou e auraro ra.—Pet. 1, 4:1, 2.

E HAAPAE I TE MAU HINAARO O TEIE NEI AO

¹⁰ I roto i te haapiiraa na mua 'tu, ua ite mai tatou ua haamori Kaina, Solomona e te mau Iseraela ia Iehova. Ua taiva râ ratou ia 'na i muri a'e. Eita ïa e navai noa ia parau, 'E haamori au ia Iehova!' E titau-atoa-hia râ ia faufau i te mea ino e ia hinaaro i te mea maitai. (Roma 12:9) Ua parau o Iehova e ite-papu-hia te taa-ê-raa i rotopu “i te taa-

8, 9. Eaha ta Iehova e titau ra i te feia ua papaihia to ratou i'oa i roto i ta 'na “buka mana'oraa”?

10. Na te aha e haapapu mea taa ê te feia e tavini ra ia Iehova?

ta parau tia e te taata parau ino, i te taata i haamori i te Atua, e te taata e ore e haamori ia 'na.”—Mal. 3:18.

¹¹ Auê tatou i te mauruuru ia Iehova i te maitiraa ia tatou ei nunaa no 'na! Mea ohie ïa no te taata ia ite ua tia tatou i te pae o Iehova. (Mat. 5:16; Tim. 1, 4:15) E ui ana'e ia tatou iho, 'Te ite ra anei te taata o Iehova ana'e ta 'u e haamori ra? E haapeuraa anei no 'u ia parau

Mea tia ia faaite ta tatou mau ohipa o Iehova ta tatou e auraro ra

e Ite no Iehova vau?' A feruri na i to Iehova huru ia haama tatou i te parau e taata tatou no 'na.—Sal. 119:46; **a taio i te Mareko 8:38.**

¹² Ma te peapea, te pee ra te tahi mau Ite no Iehova i “te huru feruriraa o teie nei ao.” Eita 'tura e ite-mau-hia te taa-ê-raa i rotopu ia ratou e te feia e ore e haamori ia Iehova. (Kor. 1, 2:12) E turai “te huru feruriraa o teie nei ao” i te taata ia haapao i to ratou iho hinaaro. (Eph. 2:3) A hi'o na, noa 'tu te mau a'oraa i horoahia mai, te maiti noa ra vetahi i te faaahuraa e ere i te mea tura. E oomo ratou i te ahu vî e te mea piri i nia i te tino, e te reira i te mau putuputuraa

11. No te aha e tia ia ite ohie te taata o Iehova ana'e ta tatou e haamori ra?

12, 13. No te aha eita e ite-papu-hia e Ite no Iehova vetahi?



Te faaite papu ra anei
to oe huru oraraa
e Ite no lehova oe?
(A hi'o i te paratarafa 12, 13)

Kerisetiano atoa. E maiti atoa vetahi i te tâpû e te faanehenehe i to ratou rouru mai te feia o teie nei ao. (Tim. 1, 2:9, 10) Eita 'tura ïa e ite-papu-hia e Ite no lehova ratou.—Iak. 4:4.

¹³ Te faaite ra vetahi Kerisetiano i te tahi atu mau haerea o tei ore i taa ê i to teie nei ao. I te taima faaanaanataeraa, eita te huru oriraa e te haerea o vetahi e tuati i to te hoê Kerisetiano. I nia i te reni faahoaraa, ua tuu atoa vetahi i to ratou mau hoho'a e ua papai i te mau parau o te faaite ra e feruriraa pae tino to ratou. Aita paha ratou i a'ohia i roto i te amuiraa no te tahi hara ino, e ere râ ratou i te amuimuiraa maitai no te mau taeae e tuahine o te tutava ra i te faataa ê mai ia ratou i teie nei ao.—**A taio i te Petero 1, 2:11, 12.**

¹⁴ Ua faaineinehia te mau mea atoa i roto i teie nei ao no te turai ia tatou ia haapao noa i “te hinaaro tia ore o te tino e te hinaaro tia ore o te mata e te faaiteiteraa ahaaha i ta 'na mau faufaa.” (Ioa. 1, 2:16) E taata tatou no lehova, mea taa ê ïa tatou! E tia ia tatou “ia haapae i te haerea ino e oia atoa te mau hinaaro o teie nei ao” e “ia ora ma te mana'o paari e te parau-tia e te haamori i te Atua ana'e i roto i teie nei faanahora o te ao nei.” (Tito 2:12) Ia ite ïa te taata na roto i to tatou oraraa taa-toa, ta tatou huru paraparau, tamaaraa, inuraa, faaahuraa e ohipa, no lehova tatou.—**A taio i te Korinetia 1, 10:31, 32.**

14. Mea tia ia rave tatou i te aha no te fana'onoa i te auhoaraa taa ê e o lehova?



Eiaha te feia i ore i tia
papu i te pae o Iehova
ia haafariu ê ia oe

E HERE RAHI TE TAHI I TE TAHI

¹⁵ Mea faufaa ana'e no tatou te auhoaraa e o Iehova, e haapao maitai ia tatou i to tatou huru i nia i te mau taeae e tuahine. No Iehova atoa ratou mai ia tatou. Ma te haamana'o i te reira, e hamani maitai e e here noa ia tatou ia ratou. (Tes. 1, 5:15) No te aha mea faufaa roa? Ua na ô Iesu i ta 'na mau pīpī: "I te mea e mea here outou te tahi i te tahi, e ite ia te taata atoa e e pīpī outou na 'u."—Ioā. 13:35.

¹⁶ Eaha te huru e tia ia faaite i nia i te mau taeae e tuahine o te amuiraa? A

15. No te aha e tia 'i ia hamani maitai e ia here noa i te mau taeae e tuahine?

16. Ma te feruri i te tahi faaueraa o te ture a Mose, eaha te haapapu ra mea here na Iehova i to 'na mau taata?

hi'o na i te tahi faaueraa o te ture a Mose. I roto i te sekene, te vai ra te mau farii faataa-noa-hia no te haamoriraa a Iehova. Te faataa maitai ra te ture mai te aha te huru raveraa a te ati Levi i tera mau mea mo'a. Ia ore te tahi e haapao i te mau faaueraa, e haapoehia oia. (Num. 1:50, 51) Mea faufaa tera mau farii, eaha 'tu â ia te mau tavini taiva ore i pūpū ia ratou ia Iehova! Mea faufaa roa tatou no Iehova i parau ai oia o tei hauti ia tatou, ua hauti ia i to 'na orio mata.—Zek. 2:8.

¹⁷ Ua parau te peropheta Malaki, "ua faaroo maira" e "ua ite" o Iehova mai te aha to tatou huru i nia i te tahi e te tahi. (Mal. 3:16) "Ua ite Iehova i to 'na mau taata." (Tim. 2, 2:19) Ua ite oia i te mau

17. Eaha ta Iehova e faaroo e e ite?

mea atoa ta tatou e rave e e parau. (Heb. 4:13) E ite oia e ere ana'e to tatou huru i nia i te mau taeae e tuahine i te mea maitai. Te mea papu atoa râ, e ite atoa

E ite Iehova ia faaite tatou i te mau huru maitatai i nia i te mau taeae

oia ia faaite tatou i te mau huru maitatai i nia i te mau taeae, mai te farii maitai, te horoaraa ma te aau tae, te faaoreraa i ta vetahi ê hara e te hamani-maitai-raa ia ratou.—Heb. 13:16; Pet. 1, 4:8, 9.

“E ORE HOI IEHOVA E FAARUE I TO 'NA TAATA”

¹⁸ E hinaaro tatou e haamauruuru mau ia Iehova i te maitiraa ia tatou ei taata no 'na! Ua ite tatou e faaotiraa paari ta tatou i rave i te pûpûraa ia tatou ia Iehova. Noa 'tu te ora nei tatou “i rotopu i te hoê u'i ino e te pi'o,” e nehenehe noa â tatou e riro “ei feia

18. E nafea tatou e haamauruuru ai ia Iehova i te maitiraa ia tatou ei taata no 'na?

hapa ore” e e anaana “ei tiarama i roto i teie nei ao.” (Phil. 2:15) E faaoti papu ana'e ia i te haapae i te mau mea atoa ta Iehova e au ore ra. (Iak. 4:7) E here e e faatura ana'e i to tatou mau taeae e tuahine no te mea e taata atoa ratou no Iehova!—Roma 12:10.

¹⁹ Te fafau ra te Bibilia: “E ore hoi Iehova e faarue i to 'na taata.” (Sal. 94:14) Aita e feaaraa, eita o Iehova e faarue ia tatou noa 'tu eaha te tupu. E mai te peu e pohe noa 'tu tatou, eita tatou e mo'e ia 'na. (Roma 8:38, 39) “Te ora nei tatou, te ora nei ia no Iehova. E pohe noa 'tu tatou, e pohe ia tatou no Iehova. No reira, ora noa 'tu â aore ra pohe noa 'tu â tatou, no Iehova tatou.” (Roma 14:8) Te tiai ru nei tatou i te taima e faatia mai ai Iehova i to 'na mau tavini taiva ore atoa tei pohe. (Mat. 22:32) Tera râ, i teie nei â, te oaoa nei tatou i te fana'o i te mau ô faahiahia mau no ò mai i to tatou Metua ra. Mai ta te Bibilia e parau ra: “E ao to te fenua o Iehova to ratou Atua; e te mau taata i maitihia e ana ei tufaa na 'na.”—Sal. 33:12.

19. E nafea o Iehova e haamaitai ai i to 'na mau taata?

NO TE TAA MAITAI ATU Â I TEIE TUMU PARAU

No Iehova tatou:

Na Iehova i horoa mai i te ora, no 'na ia tatou mai te taime i tôhia 'i tatou. E riro râ tatou ei tufaa taa ê na 'na a pûpû ai i to tatou ora ia 'na, a bapetizohia 'i e a faaohipa 'i i to tatou oraraa taatoa no te tavini ia 'na

A faaite i te aumihi i nia i “te mau huru taata atoa”

A HAAPII ai i ta 'na mau pīpī e nafea ia poro i te parau apī oaoa, ua faaara 'tu lesu e ere te taata atoa te farii ia ratou. (Luka 10:3, 5, 6) Tera atoa te itehia nei i roto i ta tatou tavini-
raa. E iria mai te taata e e tae roa paha vetahi i te hamani ino ia tatou. I tera mau taime, e ere i te mea ohie ia faaite atu i te aumihi e ia tamau i te poro ia ratou.

Mai te aha te huru o te taata aumihi? A ite ai i te mau hinaaro e te fifi o vetahi ê, e aroha e e imi oia i te ravea no te tauturu atu. Eaha te tupu ia faaea tatou i te faaite i te aumihi a poro ai? E iti mai to tatou itoito, eita tatou e hinaaro faahou e poro ia ratou e eita ia tatou e nehenehe e tauturu atu. E nehenehe to tatou itoito e faahoho'ahia i te auahi. Ia ura noa te auahi, e titauhia ia faarahi i te vahie. No te tamau atoa i te poro ma te itoito, e titauhia ia faaite noa i te aumihi!—Tes. 1, 5:19.

E nafea ia faaite i te aumihi noa 'tu e ere i te mea ohie? E hi'opoa ana'e e toru hi'oraa o te tauturu mai: To lehova, to lesu e to te apotolo Paulo.

A FAAITE I TE AUMIHI MAI IA IEHOVA

Ahia a'enei tausani matahiti to te taata faahitiraa i te parau haavare no nia i te Atua. Area o lehova, “mea hamani maitai hoi oia i te feia mauruuru ore e te ino.” (Luka 6:35) E nafea e itehia 'i to te Atua hamani maitai? Mea faaoromai lehova e te hinaaro ra oia “ia ora mai te mau huru taata atoa.” (Tim. 1, 2:3, 4) Mea au ore na te Atua te ino. Area te taata, mea faufaa ia no 'na e eita o 'na e hinaaro ia pohe noa 'tu te hoê.—Pet. 2, 3:9.

Ua ite lehova mea aravihi Satani no te haapoi i te feruriraa o te taata. (Kor. 2, 4:3, 4) Mea rahi tei haapiihia i te parau haavare no nia i te Atua mai to ratou tamariiraa mai â. Ua ino roa to ratou feruriraa e huru, e ere atura ia i te mea ohie no ratou ia farii i te parau mau. Ua ineine râ o lehova i te tauturu atu. Na te aha e haapapu mai ra?

A hi'o na i to lehova huru i nia i te feia o Niveve. Noa 'tu to ratou ino, ua parau o lehova ia lona: “Eiaha vau nei e faaherehere ia Nineve, i tera ra oire rahi, e ono taau tausaniiraa i te taata aore i ite i to ratou rima atoa e to ratou rima aui?” (lona 4:11) Ua aroha o lehova i tera mau taata, aita hoi ratou i ite i te parau mau no nia ia 'na. Tono atura oia ia lona no te faaara ia ratou.

E aroha atoa tatou i te taata mai ia lehova, mea faufaa hoi ratou. E pee ana'e i te hi'oraa o lehova ma te tauturu i te taata ia haapii i te parau mau no nia i te Atua noa 'tu e au ra e eita ratou e farii i te parau mau.

A FAAITE I TE AUMIHI MAI IA IESU

Mai to 'na Metua, ua aroha atoa lesu i te taata “no te mea ua rave-ino-hia ratou e te tâu'a-ore-hia mai te mau mamoe aore e tiai.” (Mat. 9:36) Ua taa ia lesu i te tumu i riro ai ratou mai tera. Mea ino hoi to ratou mau aratai haapaoraa e mea hape te haapiiraa ta ratou i horoa 'tu. Noa 'tu ua ite lesu eita te taata atoa e riro ei pīpī na 'na, mea rahi te haapiiraa ta 'na i horoa 'tu.—Mar. 4:1-9.

Ia ore te taata e farii i ta tatou poroi, e titauhia ia feruri eaha te tumu ratou e na reira 'i.



Eiaha e toaruaru ia ore te tahi e farii oioi i te poroi



I mua i te fifi, e tauhi paha te huru o vetahi

No te ohipa ino paha ta ratou i ite, e mana’o faahapa to vetahi no nia i te Bibilia e te mau Kerisetiano. Ua faaroo paha te tahi atu i te parau hape no nia i ta tatou mau tiaturiraa. Te mātā’u ra paha vetahi ia faaooo atu te fetii aore ra te feia tapiri ia farii ratou i te hoē aparauraa.

Ua hepohepo atoa paha vetahi no te mau tupuraa peapea ta ratou i farerei. Te parau ra te tahi mitionare o Kim te i’oa, mea rahi te taata i roto i te tuhaa fenua o tei ora mai i te tama’i e ua ere atoa i ta ratou mau fau-faa. Aita to ratou e tiaturiraa no a muri a’e. Ua ahoaho roa ratou e eita ratou e tiaturi i te hoē noa ’e taata. I tera mau vahi, mea pine-pine te taata i te haafifi i te pororaa a te mau lte no lehova. A poro ai o ’na i te hoē maha-na, ua hamani-ino-hia o Kim.

Eaha te tauturu ra ia Kim ia tamau i te faa-ite i te aumihi noa ’tu te ino o te taata? E haamana’o oia i ta te Maseli 19:11 e parau ra: “Na te haapao o te taata e ore e riri vave ai.” Ma te feruri i te tupuraa farereihia e te taata, e tauturu te reira ia ’na ia faaite i te aumihi i nia ia ratou. E haamana’o atoa oia te vai ra te tahi mau taata maitai i roto i te tuhaa fenua tei farii ia ho’i atu oia e farerei ia ratou.

E ui ana’e ia tatou iho, ‘Ahani aita vau i ite i te parau mau, eaha to ’u huru ia haere mai te mau lte no lehova e poro ia ’u?’ Mea rahi paha te parau haavare ta tatou i faaroo no nia i te mau lte no lehova? Peneia’e, eita tatou e farii ia ratou. E titauhia ia ia haa ratou ma te aumihi. Ua haapii lesu, ta tatou e hinaaro ia rave te taata no tatou, ia rave atoa ia tatou no ratou e tia ’i. Mea tia ia feruri eaha te tumu e patoi mai ai te taata. I muri iho, e faaite ana’e i te faaoromai noa ’tu e ere i te mea ohie.—Mat. 7:12.

A FAAITE I TE AUMIHI MAI IA PAULO

Ua faaite te aposetolo Paulo i te aumihi noa ’tu mea ino te taata a poro atu ai o ’na. No te aha? Ua haamana’o oia mai tera atoa o ’na i mutaa ra. Ua na ô Paulo: “Na mua ’e e taata faaino vau i te Atua e te hamani ino i te taata e te faateitei. Ua arohahia mai rā vau, no te mea i na reira na vau no te taa ore e te ereraa i te faaroo.” (Tim. 1, 1:13) Ua papu ia Paulo ua faa-ite o lehova e o lesu i te aroha hamani maitai rahi i nia ia ’na. Ua taa ia ’na te huru o te feia i tamata i te tapea i ta ’na ohipa pororaa, tera atoa hoi ta ’na i rave na mua ’e.

I te tahi taime, ua farerei Paulo i te feia ua a’a maitai te mau haapiiraa hape i roto i to



E tamau ana'e i te imi i te feia e hinaaro e ite i te parau mau



I te taime au, e farii vetahi i ta tatou tauturu no te haapii i te parau mau

ratou aau. Eaha to 'na huru i mua i to ratou etaeta? Te faaite ra te Ohipa 17:16, tei Ateno Paulo, "riri ihora oia i te iteraa e ua i te oire i te idolo." Ua faaohipa râ Paulo i te mea i riri ai o 'na no te haapii ia ratou. (Ohi. 17:22, 23) Ia au i te taata, ua faatano Paulo i ta 'na huru pororaa e ta 'na huru paraparau "ia ora mai vetahi o ratou."—Kor. 1, 9:20-23.

A poro ai i te taata o te patoi mai aore ra o te tiaturi i te haapiiraa hape, e rave ana'e mai ia Paulo. E faaohipa ana'e i ta ratou e farii ra no te haapii atu i "te parau oaoa e te maitai ra." (Isa. 52:7) Te na ô ra te tuahine Dorothy: "I roto i ta matou tuhaa fenua, mea rahi te feia i haapiihia mea ino te Atua e e faautua noa oia i te taata. E haapopou vau i tera mau taata no te mea te tiaturi ra ratou i te Atua. Ia oti, e faaite au i ta te Bibilia e parau ra no nia i te mau huru maitatai o lehova e eaha ta 'na e fafau ra no a muri a'e."

A "UPOOTIA NOA . . . I NIA I TE INO MA TE HAMANI MAITAI"

A piri noa 'tu ai tatou i te hopea, "e ino roa 'tu â" te huru o vetahi. (Tim. 2, 3:1, 13) Eiaha râ tatou ia faaea i te faaite i te aumihi e te oaoa. E nehenehe lehova e horoa mai i te puai no te "upootia noa . . . i nia i te ino ma

te hamani maitai." (Roma 12:21) Ei pionie, e pinepine Jessica i te farerei i te feia teoteo e te ore e faatura i te mau lte no lehova e ta ratou poroi. Te na ô ra oia: "E tupu mai te au ore. No reira a haamata 'i i te hoê aparauraa, e pure au ia lehova i roto i to 'u aau e e ani au i ta 'na tauturu no te hi'o i te taata mai ia 'na." Ua tauturu te reira ia Jessica ia ore e haapao noa i to 'na iho huru, ia feruri râ i te tauturu ta 'na e nehenehe e horoa i te taata.

Hau atu â, e faaitoito ana'e i to tatou mau taeae e tuahine a poro ai na muri ia ratou. Te faataa ra Jessica, ia poro oia na muri i te mau taeae i farerei i te taata o tei patoi atu, e tamata o 'na i te faahiti i te hoê mana'o maitai. Peneia'e, ma te faahiti i te mau faahopearaa maitai o ta tatou ohipa pororaa noa 'tu eita vetahi e farii mai.

Ua ite maitai lehova e ere i te mea ohie ia poro i te tahi taime. Te oaoa nei râ oia ia aroha hamani maitai tatou i te taata mai ia 'na! (Luka 6:36) Eita lehova e faaite i te aumihi e te faaoromai e a muri noa 'tu i nia i te feia o teie nei ao. O 'na tei ite maitai i te taime tano no te faatae mai i te hopea. A tiai noa 'i râ, e ohipa ru te pororaa. (Tim. 2, 4:2) E tamau ana'e ia i te poro ma te itoitoe e te faaite i te aumihi i "te mau huru taata atoa."



Te haapiiraa i te Bibilia

Hoê taime oaoa e faufaahia 'i oe!

UA ANIHIA ia losua ia aratai i te nunaa Iseraela i te Fenua tãpũhia. E hopoia rahi, ua haapuui rã e ua faaitoito o lehova ia 'na ma te na ô atu: “Ia etaeta rã oe, e ia rahi roa te itoito.” Ua parau o lehova ia taio e ia haapao losua i te ture, e rave oia i te faaotiraa paari a manuã roa 'i.—Ios. 1:7, 8.

Te ora nei tatou i te “tau ino mau . . . e te fifi ia faaruru,” e ere iho â ia te oraraa i te mea ohie. (Tim. 2, 3:1) Ia hinaaro atoa tatou e manuã, e titauhia ia haapao i te a'oraa ta lehova i horoa ia losua. E tia ia taio tamau i te Bibilia e ia haapao i ta tatou e haapii mai no te rave i te faaotiraa paari.

Aita rã paha vetahi i ite e nafea ia haapii aore ra mea haumani roa na ratou. Mea faufaa roa rã ia rave i ta tatou iho haapiiraa Bibilia. A hi'opoa 'i i te tumu parau “A tamata i teie mau mana'o tauturu,” e ite mai paha oe i te tahi mau ravea no te haapii a faufaahia 'tu ai oe.

Ua himene te papai Salamo: “E faaite mai oe ia 'u i te e'a ra o ta oe parau; **e mea popou hoi na 'u** te reira.” (Sal. 119:35) E nehenehe atoa te haapiiraa i te Bibilia e roa ei taime oaoa. E rave rahi poe nehenehe mau ta oe e ite mai a tamau ai i te haapii i te Bibilia.

Noa 'tu aita oe e aratai ra i te hoê nunaa mai ia losua, e farerei oe i te fifi. A haapii ia e a haapao i te Parau a te Atua. I reira oe e rave ai i te faaotiraa paari e e manuã roa 'i.

A TAMATA I TEIE MAU MANA’O TAUTURU



A pure na mua. E faaite mai te Bibilia i to lehova mau mana’o e ua papaihia te reira no to oe maitai. No reira hou a taio ai i te Bibilia, a ani i te tauturu a lehova no te taa, no te haamana’o e no te faaohipa i ta oe e taio a rave atu ai i te faaotiraa paari.—Ezr. 7:10.



A ui ia oe iho. A taio ai i te Bibilia aore ra i ta tatou mau papai, a ui ia oe iho i te mau uiraa mai teie te huru, ‘Eaha ta teie taioaraa e haapii mai ra ia ’u no nia ia lehova? Mea nafea te reira e tuati ai i te poroi a te Bibilia? E nafea ia faaohipa i teie mau mana’o no te tauturu ia vetahi ê?’



A feruri maite i ta oe i haapii mai. A faaea maa taime e a feruri i ta oe i taio noa ’tura. A ui ia oe iho, ‘Eaha to ’u huru i mua i ta ’u e taio ra? No te aha vau e faaite ai i tera huru? Mea nafea teie aamu e tano ai i to ’u tupuraa na mua ’’e, i teie nei e i mua nei? E nafea vau ia haapao i teie mau faauerua tumu e a’oraa Bibilia i roto i to ’u oraraa?’ (Ioba 23:5; Sal. 49:3) A hi’o e tia anei ia oe ia faataa no te aha o lehova e ani ai i to ’na nunaa ia haapae i te tahi mau peu. Aore ra, a feruri i te mau faahopearaa e tupu ia faaroo aore ra ia faaroo ore te hoê taata.—Deut. 32:28, 29.



A faaohipa i to oe feruriraa. A tama ta i te faaoraora i te aamu i roto i to oe feruriraa. A feruri na i tei tupu a hoo ai to Iosepha mau taeae ia ’na i te ati Isemaela. (Gen. 37:18–28) Eaha ta oe e ite ra, e faaroo e e hau’a ra? A feruri mai te huru ra o oe to roto i tera tupuraa. Ahiri o oe tera, eaha ta oe e mana’o e eaha to oe huru? Ma te faaohipa i to oe feruriraa, e faufaa-mauhia oe i ta oe haapiiraa Bibilia.



A faaohipa i te mau ravea tauturu. Ua horoa mai te faanahonahoraa i te mau ravea no te rave i te maimiraa anaanatae mau. A haapii i te faaohipa i te mea e vai ra na roto i to oe reo, tei piahia i nia i te reni Internet e tei neneihia. Eiaha e taiâ i te ani i te tauturu ia haapiihia oe ia faaohipa maitai i tera mau ravea. A hi’o na, te vai ra te buka *Maimiraa Bibilia no te mau Ite no lehova*. E tauturu tera buka ia ite eaha te mau papai o te faataa ra i te tahi tumu parau e irava Bibilia. A hi’opoa i te mau tuhaa hau o te *Huriraa o te ao apî o te mau Papai Mo’a* te vai ra ana’e na roto i te hoê reo ta oe i ite i te taio. Mea rahi te mau haamaramaramaraa no nia i te mau hoho’a fenua, tuatapaparaa tau, faito i te tau Bibilia e te tahi atu mau tumu parau.



A hi’o faahou i te mau mana’o faufaa. E tauturu te reira ia haamana’o eaha ta oe i haapii iho nei. Te mea maitai roa ’tu â, o te paraparauraa ia ia vetahi ê no nia i ta oe i haapii. E nehenehe anei oe e faaohipa i te tahi mana’o i roto i te taviniraa? E tauturu te reira ia oe ia tapea mai i te mau mana’o faufaa e ia opere i te mau maitai i noaa mai na roto i ta oe iho haapiiraa.

Ia taoto te tahi Kerisetiano e te hoê e ere i to 'na hoa faaipoipo i roto i te hoê â fare no te tahi tumu papu ore, e haapapuraa anei ua hara raua e e tia ia haamau i te hoê tomite haavaraa?

■ Mai te peu aita e tumu papu i taoto ai raua raua ana'e i roto i te hoê â fare, e haapapuraa iho â tera ua rave raua i te peu taоторaa tia ore. E tia ia haamau i te hoê tomite haavaraa.—Kor. 1, 6:18.

E hi'opoa maite te tino matahiapo i te tupuraa no te ite e titauhia anei ia haamau i te hoê tomite haavaraa. Te haamatau ra anei na taata e piti? Ua horoa a'ena anei te mau matahiapo i te a'oraa ia raua no nia i to raua haerea i nia i te tahi e te tahi? Eaha te tumu raua i taoto ai i roto i te hoê â fare? Mea opuahia anei na raua? I roto i taua tupuraa ra, aita 'tu anei e ravea? Ua tupu anei te tahi ohipa mana'o-ore-hia aore ra ru e titauhia 'tura ia taoto raua i roto i te hoê â fare? (Koh. 9:12) Ihea raua i te taоторaa? Mea taa ê te mau tupuraa atoa, e hi'opoa paha ia te mau matahiapo i te tahi atu mau tuhaa.

Ua noaa mai ana'e te mau haamaramaramaraa atoa i te tino matahiapo, e faaoti ia ratou e haamau anei i te hoê tomite haavaraa aore ra eita.



Mea tamoni ore ia rave mai i teie vea e te tahi atu mau papai



A taio atoa i te Huriraa o te ao api i nia i tera reni

A hi'o i nia www.jw.org/ty aore ra a faaohipa i teie hoho'a

